

Kukkunersiusunut naalagaaffimmit akuerisanut aamma nalunaarsukkanut maleruagassanik unioqqutitsisoqartillugu aalajangiisartut pillugit Kalaallit Nunaannut nalunaarut (Kukkunersiuusut pillugit Aalajangiisartut)

Kukkunersiuusut naalagaaffimmit akuerisat aamma nalunaarsukkat pillugit inatsimmi, Kalaallit Nunaannut kunngip peqqussutaatigut nr. 623-kut ulloq 23. juni 2008-meersukkat atortuulersinneqartumi, § 19, imm. 1 aamma 6 naapertorlugit aalajangersarneqarpoq:

Kapitali 1

Kukkunersiuusut pillugit Aalajangiisartut piginnaatitaanerat aaqqissuussaanerallu

§ 1. Maleruagassanik unioqqutitsisoqartillugu Aalajangiisartut, kukkunersiuusut naalagaaffimmit akuerisat aamma nalunaarsukkat pillugit inatsit, Kalaallit Nunaannut kunngip peqqussutaatigut atortuulersinneqartoq, naapertorlugu kukkunersiuusut akuerisat aamma nalunaarsukkat pillugit maalaarutiniq suliaqartut Kukkunersiuusut pillugit Aalajangiisartut-nik taaneqartassapput.

Imm. 2. Kukkunersiuusut naalagaaffimmit akuerisat aamma nalunaarsukkat pillugit inatsimmi § 1, imm. 2, Kalaallit Nunaannut kunngip peqqussutaatigut atortuulersinneqartoq, naapertorlugu kukkunersiuusut naalagaaffimmit akuerisaq imaluunniit nalunaarsugaq atorfimminut atatillugu pisussaaffimminik paarsinerluttoq pillugu maalaarutiniq Kukkunersiuusut pillugit Aalajangiisartut suliaqartartussaapput.

Imm. 3. Maalaarutit kukkunersiuusup akissaataanut kiisalu suliat suleqatinut tunngasut Kukkunersiuusut pillugit Aalajangiisartunut suliaassanngortinneqarsinnaanngillat.

§ 2. Kukkunersiuusut pillugit Aalajangiisartut inuttaat tassaapput siulittaasoq ataaseq aamma siulittaasup tullii marluk, taakkunannga ilaasortaq minnerpaamik ataaseq nunap eqqartuussisuunerissallugu. Taakkua saniatigut Kukkunersiuusut pillugit Aalajangiisartut 12-inik allanik ilaasortaqassapput, taakkunannga 3-t kukkunersiuusussallutik naalagaaffimmit akuerisat, 3-t kukkunersiuusussallutik nalunaarsukkat aamma naatsorsuutiniq atuisunut sinniisut 6-t.

Imm. 2. Ilaasortanut tamanut – siulittaasoq siulittaasullu tullii marluk eqqaassanngikkaanni – sinniisussamik ataatsimik toqqaasoqartassaaq.

Imm. 3. Aalajangiisartut ilaasortai sinniisussaallu Erhvervs- og Selskabsstyrelsimiit ukiut sisamakkaarlugit toqqarneqartassapput.

Imm. 4. Suliassanik ataasiakkaanik naliliineq aallaavigalugu siulittaasup aalajangissavaa ilaasortat qassit kikkullu suliap suliarineqarnerani peqataassanersut. Kukkunersiuisut amerlassusaat naatsorsuutininik atuisut sinniisaasa tamatigut amerlaqatigisassavaat.

Imm. 5. Suliat § 7 naapertorlugu siulittaasup kisimi aalangiiffigisai eqqaassanngikkaanni, suliamik kukkunersiuisunut naalagaaffimmit akuerisanut tunngasumik Kukkunersiuisut pillugit Aalangiisartut suliaqarneranni kukkunersiuisoq naalagaaffimmit akuerisaq minnerpaamik ataaseq peqataassaaq. Taamatuttaaq kukkunersiuisunut nalunaarsukkanut tunngasumik suliamik aalangiisartut suliaqartillugit kukkunersiuisumik nalunaarsukkamik minnerpaamik ataatsimik peqataasoqartassaaq. Taamaattorli suliassani pisinnaatitaaffiaaffiusinnaasuni, tak. kukkunersiuisut naalagaaffimmit akuerisat aamma nalunaarsukkat pillugit inatsimmi § 20, imm. 2, Kalaallit Nunaannut kunngip peqqussutaatigut atortuulersinneqartoq, kukkunersiuisut naalagaaffimmit akuerisat aamma nalunaarsukkat minnerpaamik 2-t peqataassapput.

§ 3. Aalangiisartuni ilaasortat arlaannaalluunniit suliamik suliarinneqataassanngilaq, pineqartoq Kalaallit Nunaanni eqqartuussisarnermik inatsimmi malittarisassat malillugit eqqartuussisutut akooqqusaassanngikkalaruni.

Imm. 2. Ilaasortap pissutsit, pineqartup akooqqusaannginneranik kinguneqarsinnaasut, aalangiisartunut nalunaarutigissavai, tak. imm.1.

Imm. 3. Apeqqut ilaasortap akooqqusaannginneranut tunngasoq sapinngisamik qaqinneqartariaqarpoq suliaq aalangiisartunit suliarineqalersinnagu.

Imm. 4. Kukkunersiuisut pillugit Aalangiisartut namminneq aalajangissavaat ilaasortaq suliap suliarineqarnerani peqataasinnaanersoq.

§ 4. Kukkunersiuisut pillugit Aalangiisartut sulinerat siulittaasup aaqqissuutissavaa, matumunnga ilanngullugu allattoqarfimmi sulineq.

Imm. 2. Aalangiisartut ataatsimiinnissaannut piffissaq, sumiiffissaq aamma ullormut oqaluuserisassat siulittaasup aalajangersartassavai, ataatsimiigiaqqusissutillu isumagisassallugit. Ataatsimiinneq tamanut ammasuussagaangat, tak. § 9, imm. 3, tamanna Kukkunersiuisut pillugit Aalangiisartut nittartagaanni www.disciplinaernaevnet.dk-mi imaluunniit Atuagagdliutit/Grønlandsposten-imi aamma Statstidende-mi sivikinnerpaamik ullut pingasut sioqqullugit nalunaarutigineqartassaaq – piffissaq sumiiffissarlu allallugit

Imm. 3. Aalangiisartut ataatsimiinneri allattaavinnut allattorneqartassapput, allattorneqassallutik piffissaq ataatsimiiffillu, ataatsimiinneq tamanut ammasuusimanersoq, ilaasortat kikkut peqataasimasut kiisalu inuit illuatungiusutut najuussimasut imaluunniit taakkua sinnerlugit najuussimasut imaluunniit taakkununga ikiuussimasutut najuussimasut aqqi. Aammattaaq siulittaasup suliani ataasiakkaani tamani erseqqinnerusumik aalangiinera naapertorlugu allattaavinnut allattuisoqartassaaq.

Imm. 4. Siulittaasoq aalangiisartut ataatsimiinnerini isumaqatiginninniarnernik aqutsissaaq.

Imm. 5. Siulittaasup nakkutigissavaa suliassat naleqquttumik pilertussusilimmik naammassineqartarnissaat.

Imm. 6. Suliassat ataasiakkaat siulittaasup siulittaasullu tulliisa akornanni agguataarneqarnissaat siulittaasup aalajangigassaraa. Suliani, siulittaasumit taakkununga

isumagisassanngortinneqartuni, pisinnaatitaanerit, nalunaarutikkut matumuuna siulittaasumut pigitinneqartut, siulittaasup tullii isumagissavaat.

Kapitali 2

Suliap piareersarneqarnera

§ 5. Maalaarut allaganngorlugu Revisornævnet-imit, Kronprinsessegade 8, st., 1703 København K, nassiunneqassaaq.

Imm. 2. Maalaarummi allaaserineqassapput pissutsit aalajangiisartunut naliliivigeqquneqartut. Pisussaaffimmut akerliusumik iliuutsip imaluunniit suliaringitsiukkap, maalaarummut tunngasup, atuukkunnaarneraniit kingusinnerpaamik ukiut tallimat qaangiutsinnagit maalaarut Kukkunersiuisut pillugit Aalajangiisartunut nassiunneqarsimassaaq.

Imm. 3. Maalaarummut ilaassaaq akitsuut 500 koruuninik annertussusilik. Akitsuut ilaangippat siulittaasoo akiliinissamut piffissaliissaaq, kingusinnerpaamillu piffissaliussap qaangiunnerani akiliisoqarsimanngippat suliassaq itigartitsissutigineqassaaq.

Imm. 4. Taamaattoq maalaarutit Erhvervs- og Selskabsstyrelsimi, Finanstilsynimi, Kalaallit Nunaanni Naalakkersuisunit, unnerluussisussaataasunit, Kukkunersiuisut Naalagaaffimmit akuerisat Peqatigiiffannit, Kukkunersiuisut Nalunaarsukkat Peqatigiiffannit FRR-imit imaluunniit Kukkunersiuisunik Nakkutilliisoqarfimmit suliassiissutigineqartut akitsuuteqartinneqassanngillat.

§ 6. Pisortat ingerlatsineranni aalajangiinernik paasitinneqarsinnaatitaaneq pillugu inatsit aamma pisortat ingerlatsinerat pillugu inatsit aalajangiisartut sulineranni atuutissapput.

§ 7. Siulittaasup itigartitsissutigisassavai maalaarutit aalajangiisartut piginnaatitaanerannut attuumassuteqanngitsut, matumunnga ilanngullugit maalaarutit inunniit, pissutsimi maalaarummut tunngasumi inatsisitigut soqutigisaqartuunngitsuneersut, kiisalu maalaarutit tunngavissaqanngitsutut erseqqissumik naatsorsuutigineqareertariaqartut.

§ 8. Kukkunersiuisut pillugit Aalajangiisartut allakkap maalaarutaasup nuutsinneqarnera bilageqarpallu bilagit ilanngullugit maalaarutigineqartumut nassiutissavaat kajumissaarutigalugu erseqqinnerusumik piffissaliunneqartoq nallertinnagu oqaaseqartoqassasoq. Tamatumunnga peqatigitillugu maalaarutigineqartoq ilisimatinneqassaaq aalajangiisartunut orniguttoqarsinnaasoq illersuisumik ilaqlarluni, immaqaluunniit eqqartuussissuserisumik, aamma maalaarutigineqartoq suliame akissuteqanngippat maalaarut suliarineqarsinnaassasoq tunngavilersuut pigineqartoq aallaavigalugu.

Imm. 2. Maalaarutigineqartup oqaaseqaatai bilageqarpallu bilagitalerlugit maalaaruteqartumut saqqummiunneqassapput. Siulittaasup pisariaqarsorippagu, illuatungeriit piffissaliussaq nallertinnagu saqqummiussaqaqqinnissaminut periarfissinneqassapput.

Imm. 3. Siulittaasup isumagissavaa, paasissutissat pisariaqartut suliap suliarineqarnerani pigineqarnissaat aamma pisariaqartumik misissuisoqarsimanissaa. Suliap suliarineqarnerani sukkulluunniit, paasissutissat pioreersut saniatigut, paasissutissanik amerlanerusunik pissarsiniartoqarsinnaavoq.

Imm. 4. Siulittaasup paasissutissat illuatungiliuttumit pisut illuatungeriinnit ilisimaneqarnissaat isumagissavaa, paasissutissat taakku suliap aalajangerneqarnissaanut pingaaruteqartutut

isigineqartariaqarpata, taamaattoqassananili tamat soqutigisaannik imaluunniit inuup nammineq soqutigisaanik pingaaruteqarluinnartumik qajassuussineq tamatumunnga akerliuppat, matumunnga ilanngullugu sullinneqartup suliffiutaanut aningaasaqarneranulluunniit tunngasunik qajassuussineq.

Kapitali 3

Suliap aalajangiivigineqarnera

§ 9. Suliami illuatungiliuttut Kukkunersiuisut pillugit Aalajangiisartunut ornigussinnaatitaapput nassuiaateqarlutillu.

Imm. 2. Siulittaasup akuerisinnaavaa inuit allat aggersarneqassasut aalajangiisartunut nassuiaateqariartorlutik.

Imm. 3. Kukkunersiuisut pillugit Aalajangiisartut ataatsimiinneri tamanut ammasuuneq ajorput. Siulittaasup illuatungeriit kissaateqarnerat naapertorlugu akuerisinnaavaa aalajangiisartut ataatsimiinneri tamanut ammasuussasut, tamanna pisariaqanngitsumik narrunarsaataalersitsissanngippat, matumunnga ilanngullugit suliffiuteqarnermut imaluunniit suliffiup ingerlanneqarneranut isertukkanik saqqummiussineq.

§ 10. Illuatungeriit arlaannaataluunniit aalajangiisartunut ornigunnissaq kissaatiginngippagu. aamma ilaasortat suliamik suliarinnittut akornanni isumatigiittoqarpat maalaarut pappiaqqatigut suliarineqarsinnaavoq.

§ 11. Kukkunersiuisut pillugit Aalajangiisartut aalajangiinerat nalinginnaasumik amerlanerussuteqarluni taasinikkut pisassaaq.

Imm. 2. Aalajangiineq tunngavilersorneqartassaaq aamma ikinnerussuteqartut isumaat eqqartorneqartassaaq.

Imm. 3. Aalajangiineq allaffissornikkut oqartussanut allanut ingerlateqqinneqarsinnaanngilaq.

Kapitali 4

Tamanut saqqummiussineq aamma nalunaarut il.il.

§ 12. Kukkunersiuisut pillugit Aalajangiisartut aalajangiineri allattaavinnut allanneqartassapput, siulittaasumit atsiorneqarsimasussanut.

Imm. 2. Kukkunersiuisut pillugit Aalajangiisartut aalajangiineri suliap illuatungiliutuinut, Kukkunersiuisut Naalagaaffimmit akuerisat Peqatigiiffiannut, Kukkunersiuisut Nalunaarsukkat Peqatigiiffiannut FRR-imut, Kalaallit Nunaanni Naalakkersuisunut kiisalu Erhvervs- og Selskabsstyrelsimut nassiuuneqassapput.

Imm. 3. Kukkunersiuisut pillugit Aalajangiisartut aalajangersinnaavaat aalajangiineq tamanut saqqummiunneqassasoq, tamannalu pissasoq atermik taasisoqarluni. Tamanut saqqummiussineq Retsinformationsdatabasen-imi pissaaq, aalajangiisartut nittartagaanni imaluunniit taakkunani marlunni tamani.

Imm. 4. Maalaaruteqartoq tamakkiisumik ilaannakortumilluunniit taparserneqarpat Kukkunersiuisut pillugit Aalajangiisartut imaluunniit taakkua sinnerlugit siulittaasoq aalajangersinnaavoq akitsuut

akiliutigineqarsimasoq tamaat imaluunniit ilaa utertinneqassasoq. Aamma taamaaliortoqassaaq maalaarut itigartitsissutigineqarpat.

§ 13. Kukkunersiuisartut pillugit Aalajangiisartut sulinertik pillugu ukiumoortumik nalunaarusiamik saqqummiisassapput.

§ 14. Nalunaarut atortuulissaaq ulloq 1. august 2008

Erhvervs- og Selskabsstyrelsen, ulloq 28. juli 2008

OLE BLÖNDAL

/ Grethe Krogh Jensen

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut